




增補

古方藥品考

四

武蔵  
64  
11



門 64  
卷 4

問氏  
森庭

同  
同  
同

藥品考卷之四目次

紫苑 一

旋覆花 二

款冬花 同

天門冬 四

海藻 五

萎蕤 同

皂莢 七

大腹損榔 八

訶梨勒 九

桑根白皮 同

桔梗 十一

射干 十二

冬葵子 十三

蒴藋 十四

狼牙 十五

白斂 十六

藥品考卷之四 目次

史業  
原精

薺芫 十七

瞿麥 十八

梓白皮 十九

蛇床子 二十

五味子 二十一

王不留行 二十三

冬瓜 二十四

瓜子 同

瓜瓣 二十五

粳米 二十六

赤小豆 二十七

小麥 二十八

大麥 同

大豆 二十九

大豆黃卷 三十

香豉 三十一

麩 同

膠飴 三十二

硬糖 同上

清酒 同

白酒 同

苦酒 三十三

醋漿 同

鬼臼 三十四

雲實 三十五

馬鞭草 同

連軛 三十六

韭根 三十七

黍穰 三十八

久用炊單布 同

新絳 同

緋帛 同

中裊 三十九

粉 同

白粉 同

溫粉 四十

井花水 同

泉水 四十

甘爛水 四十一

東流水 同

清漿水 同

泔水 同

地漿 四十二  
土漿 同上

潦水 同

古方藥品考卷之四

平安

內藤剛甫尚賢 著

別所之敬義知 校

紫苑降氣結邪散之

古名シヲン今通名

本經曰紫苑味苦溫主欬逆上氣胸中寒熱結氣


案其根味微苦性降瀉故能降肺氣治欬逆結邪

射干麻黃湯欬而上氣喉中水雞聲

撰品紫苑根形似細辛而紫色者真

○紫苑春生苗葉似金沸草而潤大仲秋抽莖二三

尺梢頭開花如菊而紫色。冬月採根。



了齋

旋覆開痞降瀉噫氣。一名金沸草。本經

本經曰旋覆花味鹹甘溫主結氣脇下滿驚悸除水

去五臟間寒熱補中下氣云云

案其花味苦收降故有開痞閉瀉噫氣之能

旋覆花代赭石湯傷寒發汗若吐若下解後心下痞

鞭噫氣不除者

換品旋覆花形似菊花黃色瓣極細者真

○旋覆花春生苗葉似雞兒腸潤長縱道白夏起莖

一二尺梢頭開黃花似菊而單瓣又有千瓣者



唐本草

雁圖

款冬善治喘欬逆氣。款作欬俗。

本經曰款冬花味辛溫主欬逆上氣善喘喉痺諸驚

痼寒熱邪氣案款冬冬月生花味極苦性順降故有

鎮瀉喘欬逆氣之能

射干麻黃湯欬而上氣喉中水雞聲

撰品款冬有野生家生二種俱可用採其花未開者

曝乾為良今藥舖販者皆採滿開者下品又有倍仁

不幾莖葉如常品而花紅色可愛又有秋田款冬葉

大徑二尺許其花亦大簇生此二種不入藥用

○款冬冬先生花若蘘荷花而有毛茸淡綠色帶紫

赤後生芽一莖一葉長者一二尺葉圓鋸齒粗



天門益肌補脾肺氣。スギカツラ。

別錄曰天門冬味甘大寒保定肺氣去寒熱養肌膚

利小便冷而能補案其根結塊年年新陳相換氣味

甘苦滋潤故有益肌膚補脾肺氣之能

麻黃升麻湯傷寒六七日大下後寸脈沈而遲手足

厥逆下部脈不至咽喉不利唾膿血泄利不止者

撰品天門冬形如百部根長一二寸味甘滋潤者良

藥舖販者可用又有特生者不入藥其葉及根形似本條而矮小者

○天門冬春出藤蔓葉似杉葉而柔嫩光澤夏發細

白花根似百部數塊簇生秋冬採根蒸熟去心炒乾



龍山後復

海藻下氣能泄蓄水一名ホダハラ古名ナノリソ

本經曰海藻味苦鹹寒療癰腫癥瘕堅氣腹中上下

雷鳴下十二種水腫案其味鹹性滑滋故能下結氣

利小便泄蓄水以除浮腫等

牡蠣澤瀉散大病差後從腰以下有水氣者

撰品海藻即羊賀所用保陀波良是也勢州志州紀

州若州海水中皆有之若乏則代用昆布亦可也

○海藻生海中石上莖長三五尺多枝葉似馬藻黃

黑色如馬尾狀故名秋結子形如大豆而色黑中空





重方

葶藶善滋益氣補衰。或作葶藶。  
 別錄曰葶藶味甘無毒療心腹結氣虛熱溼毒腰痛。  
 藥性論主時疾寒熱內補不足去虛勞客熱頭痛。

案其根累年漸長而不朽氣味甘平滋潤此曝乾而

不燥故有善潤涸渴益腎氣補虛衰之能。

麻黃升麻湯傷寒六七日大下後云證具于天門冬之下

撰品葶藶形似竹節蔓而黃白色味甘滋潤者為上

品藥舖此呼地黃樣其生用者有最効出城州丹州

羽州與州及諸州山谷又稱生薑樣者形似老薑黃

色是即黃精非葶藶又小葶藶及種類多皆畧之

○葶藶春生綠芽似竹筍狀小莖長一二尺葉橢長

多縱道晚春每節開小白花筒瓣下垂後結青子根

橫生如竹節。莖黃白色。秋冬採根，蒸陰乾。



雅喬

雅喬

皂莢主治。欬逆肺痿。

一名皂角。邦產。サイカシ。

本經曰。皂莢。味辛。鹹溫。主風痺死肌。邪氣。頭風。淚出。

利九竅。別錄曰。療腹脹滿。消穀。除欬嗽。案其味辛辣。

溫散。以能治。欬逆上氣。肺痿。涎沫。然其氣味猛烈。刺

人喉舌。不可輕散服。而如救卒死。方者可。

桂枝去芍藥。加皂莢湯。治肺痿。吐涎沫。


皂莢丸。欬逆上氣。時時唾濁。但坐不得眠。千金眠

救卒死。而目閉者。方吹皂莢末。鼻中立。効。

撰品皂莢。舶來有二種。其一為猪牙皂莢。硬栗殼色。

潤二三分長二三寸。反張者為上品。又舊舶有肥皂  
莢。形似扁豆莢而肥豐。貯三四子。圓黑若無患子。又  
邦產類猪牙皂莢。而潤寸許長六七寸。味淡薄不堪  
藥用。其實為皂角子。其刺針為皂角刺。刺子易混藥  
舖讀刺為利

○猪牙皂莢



○邦產皂樹高大。其葉似槐葉而小。葉間有刺針。夏  
開細花淡黃色。秋結莢長七寸許。冬葉落而莢存枝。



法橋探龍



檳榔健脾破滯開氣大腹檳榔即大腹子

別錄曰檳榔子味辛溫澀無毒主消穀逐水除痰癖

日華子曰味澀除一切風下一切氣通關節利九竅

補五勞七傷健脾調中除煩破癥結下五膈氣

案其味潛降故其能健脾下胸間之滯氣

茈胡飲子退五臟虛熱

撰品檳榔舶來有二種其漢舶者形扁圓味澀斂此

為大腹檳榔良品藥舖此呼比良樣又大腹皮即其

殼形圓都白毛如筆毫味淡又蕃舶者頭尖微長澀味不厚者唯

為檳榔下品此呼也末陀加

圖經曰檳榔生南海大如枕榔而高五七丈正直無

枝皮似青桐葉似芭蕉葉其實作房從葉中出傍有

刺若棘針重疊其下一房數百實如雞子狀

○大腹檳榔也末陀加 大腹皮



訶子泄氣而止下痢。時珍曰。訶梨勒一名訶子。

本經曰訶梨勒。味苦溫無毒。主冷氣心腹脹滿。下食。

訶梨勒散氣利。

撰品訶梨勒。舶來唯一種。形似使君子。而六七稜。皮

堅。黑色。味苦澀者真。

圖經曰訶梨勒。生嶺南。樹似

木沅花。白子似梔子。青黃色。



桑根瀉肺利水止欬。クハノ根ノカバ

別錄曰桑根白皮。味甘寒無毒。去肺中水氣。唾血熱。

渴。水腫腹滿臃脹。通雅。臃脹。腹鼓脹也。利水道。可以縫金瘡。

案其根之性。自下降。皮即主肺臟。其味淡薄。故能降

瀉肺氣。利水道。以止欬嗽也。

王不留行散病金瘡。


案方內用桑東南根者。取稟其東南生長之氣也。

撰品桑根。狀如楮皮。柔韌。其皮薄黃赤色者為上品。

又皮厚帶黯色者下品。藥舖此呼皮付。又浸水白曝

乾者。呼桑白皮。可用。或採其枝皮。白曝者。不堪入藥。

出城州丹州信州及東西諸州。



雅喬 雅喬

○桑樹似楮而高一二丈春生葉形圓似荏葉綠色

夏結實如覆盆子此名桑椹根柔韌皮黃赤色冬採根

桔梗除滯利喉清肺今古名アリノヒフキ

本經曰桔梗味辛苦微溫主胸脇痛如刺腹滿腸鳴

別錄曰利五臟腸胃補血氣除寒熱風痺溫中消穀

療咽喉痛衍義曰治肺熱氣奔促嗽逆肺癰排膿

案其根味苦辛有毒故能除滯氣蠲利咽喉清肺氣

桔梗湯咽喉痛者可與甘草湯不差者

桔梗白散欬而胸滿振寒脈數咽乾不渴時出濁唾

腥臭。久久吐膿。寒如米粥者。為肺癰。

揆品桔梗。有數品。形似沙參。屈曲。皮褐色。肉白。有滋

味者。為上品。藥舖此呼皮付。或呼也又形細潔白者。

呼三原。或呼也又根粗白色者。呼竹原。或呼也此二

種。偕稱左良志。是採根。浸水待腐爛。而曝乾者。氣味


脫失。不任藥用。出江州信州。奧州羽州等。又有呼花

壇者。是花園中老根。甚粗劣。勿用。

○桔梗。春生。苗莖漸長。三四尺。葉似沙參。而二葉相

對。至末互生。夏開。花紫碧色。為常品。又有單瓣重瓣

濃淡白班數色。不如常品者。秋冬採嫩根。曝乾。



射干能解。欬逆喉痺。本經一名烏扇。射音夜。

本經曰射干。味苦平。主欬逆上氣。喉痺咽痛。散結氣。

案其根味苦辛有毒。故能散結氣。欬逆。喉痺咽痛。

射干麻黃湯。欬而上氣。喉中水雞聲。

鼈甲煎丸。病瘡。以月一日發。當以十五日愈。云云此

結為癥瘕。名曰瘡母。急治之。

撰品射干。有野生家生二種。根形皆似薑而瘠小。肉

淡黃。味辛者真。

○射干。春生。芽葉類鳶尾。イチャツ而厚。如開扇。故名。夏抽一



莖梢頭開花。似胡蝶花。而黃紅色。根似朮。而肉淡黃。

元載



藥品考卷之四

葵子除水利小便閉。即冬葵子。

本經曰冬葵子味甘寒主五臟六腑寒熱羸瘦五癢

利小便。案其性夏秋開花經冬結實氣味淡甘滑降

故有除水氣通利小便閉塞之能。


葵子茯苓散妊娠有水氣身重小便不利洒淅惡寒

起即頭眩。

撰品葵子似錢葵子極小色黑味淡甘者真。

○冬葵葉似錦葵而小莖高二三尺夏秋開淡紫花

結小房形扁圓房中含細子經冬不凋至春復生芽



舉秀

蒴藿補肉專療打撲。蒴直一角切音濯。

藥品考卷之四

別錄曰蒟藿味酸溫有毒主風癢癰身痒可作浴湯案其葉味微苦氣臭芳有毒故散瘀血補骨肉以為療金瘡打撲要藥

王不留行散病金瘡○方後曰小瘡即粉之大瘡但服之產後亦可服

撰品蒟藿邦產唯一種藥舖呼為曾久豆陳久者難奏功採其軟葉為細葉乏則以接骨葉代用之可也

○蒟藿春生原野陰地莖高三五尺葉似接骨木而鋸齒粗夏發細白花後結圓實亦如接骨木實熟赤

六七月採葉至冬莖葉枯



藥品元卷之四

狼牙逐毒平治胸腹本經一名牙子

本經曰牙子味苦寒有毒主邪氣熱氣疥瘡惡瘍痔

瘡去白蟲案其味苦有毒故其能逐毒氣平治胸腹

以療心痛腹脹痛殺蛇蟲又可洗毒瘡

九痛丸治九種心痛兼治卒中惡腹脹痛口不能言

狼牙湯少陰脈滑而數者陰中即生瘡蝕瘡爛者

撰品狼牙舶來絕無之今以美都毛止充狼牙而未

穩矣又藥舖所販者皆水楊梅非真

○狼牙春生苗葉似蓬蘽而無刺高尺三五寸夏開

小黃花如蛇莓花根白舊根微帶黑色



白斂能逐百疾結畜今通名

本經曰白斂味苦平主癰腫疽瘡散結氣止痛

案其根味苦莖故能逐百疾結聚

薯蕷丸虛勞諸不足風氣百疾

撰品白斂今邦產唯一種其形圓如烏梅而皮紫黑

肉白灰色味苦莖者真出藥舖者可用此享保年間

所傳之漢種者也

○白斂春生苗於宿根蔓生三四尺葉畧似萋萋青  
綠色莖紫色夏葉間開細黃花根結數塊如雞子大



而紫黑色。秋冬採根。

春琴瑟行

薺芫明<sub>シ</sub>目<sub>ヲ</sub>解<sub>ス</sub>百藥毒<sub>ヲ</sub>。ソバナ。

本經曰薺芫味甘寒解百藥毒食醫心鏡主利肺氣

和中明目止痛○取生根汁最佳

解<sub>レ</sub>鉤<sub>レ</sub>吻<sub>レ</sub>毒<sub>方</sub> 鉤<sub>レ</sub>吻<sub>ヲ</sub>與<sub>テ</sub>芹<sub>ヲ</sub>菜<sub>ニ</sub>相<sub>シ</sub>似<sub>ク</sub>誤<sub>テ</sub>食<sub>フ</sub>之<sub>ヲ</sub>殺<sub>ス</sub>人<sub>ヲ</sub>解<sub>レ</sub>之<sub>方</sub>


除<sub>レ</sub>諸<sub>レ</sub>毒<sub>藥</sub>方 宜<sub>ク</sub>煮<sub>テ</sub>甘<sub>ク</sub>草<sub>ニ</sub>薺<sub>ヲ</sub>芫<sub>ヲ</sub>汁<sub>ニ</sub>飲<sub>ム</sub>之<sub>ヲ</sub>

撰品薺芫邦產唯一種似桔梗而柔軟味甘苦者真

救荒本草以杏葉沙參根充薺芫者非

○薺芫春生苗高二三尺葉似野荏而狹互生夏開

淡紫花似沙參下垂根亦似沙參大二月八月採根



瞿麥尿瀉。逐膀胱邪。古名。カハラナデレコ。

別錄曰。瞿麥味苦辛。無毒。養腎氣。逐膀胱邪。逆云。

案其味微苦微辛。能令尿道通瀉。逐膀胱溼邪。以治。

小便不利及淋瀝等。

枯萋瞿麥丸。小便不利者。有水氣。其人若渴。

撰品瞿麥有數種。其野生者名河原奈泥志古。其子

黑色似葱子狀。而小者真。又家生者單名奈泥志古。

其花有單瓣重瓣紅白濃淡數色。其子如野生者。又

有朝鮮奈泥志古。其葉厚粉綠色。花有紅白數色。又有石竹。苗葉如奈泥志古。

古花弁鉅口不深者此三種不入藥用。又方書中稱石竹子者。即瞿麥子也。



黃華 石竹

藥品考卷之四

○瞿麥葉細長兩兩相對高二尺許夏秋歧枝梢頭開淡紅花如石竹花而小花後房中貯細黑子

梓皮黃家除痰熱邪鈔。アカメガシハ和名アヅサ梓祖士切。

本經曰梓白皮味苦寒主熱去三蟲案其皮之性自

走肌膚味苦寒澀降故能除痰熱溼邪以療黃疸

麻黃連軹赤小豆湯傷寒痰熱在裏身必發黃

撰品梓白皮外褐色裏白質柔韌而有力者真古說

充楸皮非今出藥舖者梓楸相混用者須分別

○梓樹高一二丈枝葉類楸而嫩葉粉紅色夏葉間

出穗開黃白花結數實形似蒼耳子根皮甚易剝



藥品考卷之四 蛇牀子 三十

藥譜卷之四

蛇牀除瘡也。祛陰痒。一名蛇米。痒癢同。

本經曰蛇牀子。味苦平。主婦人陰中腫痛。男子陰痿。

溼癢。除痺氣。案其味甘辛。氣香。性溫。故能除瘡毒。祛

陰痒。○凡使搗為粗末。

蛇牀子散。溫陰中坐藥。

撰品蛇牀子有二種。其稱真蛇牀子者。形似小茴香。

而短小。味辛。有荊芥氣者佳。自生南方海濱。未出藥

舖。今販者。形如米粒。而有毛茸。即爾雅竊衣子是也。

圖經入門證類皆以此為蛇牀子。邦俗相效。既久矣。

然療陰痒陰腫亦不無効。

善安



○蛇牀。春生。苗高五七寸。枝四發。而敷地。葉似石防。



風而厚光澤秋梢頭發碎白花結子頗似茈胡子

五味潤暢鎮瀉肺臟通名一名玄及

本經曰五味子味酸溫主益氣欬逆上氣勞傷羸瘦

補不足蕪恭曰五味子皮肉甘酸核中辛苦都有鹹

味此則五味具也案其子味酸鹹收降故其能潤暢

涸渴鎮瀉肺氣逆上以治欬嗽喘息○搗碎用最佳

小青龍湯傷寒心下有水氣欬而微喘發熱不渴○

欬逆倚息不得卧

苓桂五味甘草湯手足厥逆氣從少腹上衝胸咽云

撰品五味子有數種其朝鮮產粒似胡椒而小黑色

滋潤味酸微甘其核苦辛香者為最上藥舖此稱本

朝鮮或呼黑時珍所謂北五味子是也凡試其核如

黃蜀葵子而赭色者真享保中傳朝鮮之種今人間

裁之其實秋熟紅紫色蒸乾則色黑與朝鮮產無別

未出藥舖又邦產者方言未其粒如朝鮮產而大倍


之色紫黑滋潤氣味相似但酸味不厚次之呼為熟

五味子復蒸之者呼大蒸凡黑色滋潤者俱可用其

未熟淡赭色滋味薄者下品生和州宇陀紀州熊野

又名護屋五味子。其粒同上。色紫赤。皮上白如霜。味酸鹹而滋潤。微者下品。生信州山谷。皆轉于名護屋。製之故名。是市人取其未熟小者。製以醋。故皮上發霜。呼粉吹。此偽呼朝鮮五味子。又有小蒸五味子。其粒小。色黑。味苦。是南五味子。非真。或商人用烏梅煎汁。染之。以令酸。且黑者有之。不堪用。

○北五味子。蔓延一二丈。春生芽。葉似杏葉。鋸齒粗。葉間開白花。內帶紅色。花後結實。如蓂蓂子。秋熟。紅紫色。冬葉落。邦產者。類朝鮮產。而葉似南五味子。鋸齒粗。實似葡萄。而小。秋熟。紫色。冬葉枯。



五味子

王不留行

王不留行。專療金瘡。ダウクハンサウ。

本經曰王不留行。味苦。主金瘡。止血。逐痛。云云。

案其子多脂。能浮。味微苦微辛。故除浮熱。以療金瘡。

王不留行散病金瘡。

撰品王不留行。其粒似蔓菁子。而粗。深黑色者真。今

人間多傳栽者。皆漢種也。甚易繁茂。出藥鋪者是。或

有以鳳仙子贗此者。云須辨識。

○王不留行。秋下種。苗葉長一二尺。葉似龍膽。而綠

白色。五月開。淡紅花。結綠房。作五稜。內包黑子。



光鳳月 同 同

冬瓜性涼。解毒除脹。即白冬瓜。

藥品考卷之四

別錄曰白冬瓜味甘微寒主除小腹水脹利小便止

渴案其性冷利順降能解魚毒且瀉水腫利小便

食蟹中毒治之方冬瓜汁飲二升

瓜子潤行利大小腸カモウリノタ子

本經曰白瓜子味甘平主令人悅澤好顏色益氣不

飢案其子多脂味淡甘滑降故能致潤行以通利大

小便臨用搗碎之

大黃牡丹皮湯腸癰者小腹腫痞按之即痛如淋小

便自調時時發熱自汗出復惡寒其脈遲緊者膿未

成可下之當有血脈洪數者膿已成不可下也

瓜瓣同上唯異名狀

案瓜瓣即冬瓜子也正字通瓣音片即瓜犀時珍曰

其瓢謂之瓜練其子謂之瓜犀在瓢中成列

千金葦莖湯治欬有微熱煩滿胸中甲錯是為肺癰

撰品冬瓜子形似南瓜子緣厚色白其新充實者為

佳本文唯曰瓜子曰瓜瓣不指何者故前人或為甜

瓜子或為冬瓜子不一定矣案外臺千金皆用冬瓜

而不見用甜瓜者



○冬瓜春下種。葉似南瓜及絲瓜。夏秋蔓延開黃花。結瓜大者如斗。皮綠色。外面白如粉。子瓢都白色。

粳米專養保胃之長。ウルコメ。ウルシ子。

別錄曰粳米味甘苦平無毒。主益氣止煩止洩。云云。

案其為性得夏秋之陽氣而成熟。氣味甘溫。滋潤專

主補養。故衍義曰平和五臟。補益胃氣。其功莫逮。云

是即百穀之宗。非治病之物。其功在保養胃氣。此故

仲景氏用石藥駿藥。則加粳米。以使胃氣不敗也。

白虎湯傷寒脈浮滑。此表有熱。裏有寒。

竹葉石膏湯傷寒解後虛羸少氣氣逆欲吐者

附子粳米湯腹中寒氣雷鳴切痛胸脇逆滿嘔吐

桂枝湯大建中湯服後飲米粥者亦保胃助藥力也

撰品粳米早中晚品類甚多用古方者唯以白晚米

隔年者為良又方中有陳廩米味淡甘平和補虛羸

調腸胃又糯米味甘溫能溫補脾胃虛冷固滑利發

痘瘡其用各不同其他如粳米早稻粗糲者勿用

○粳米春分先浸種穀雨後取之下田生芒五六寸

夏至移種田漸長二三尺秋出穗開細花結稻霜後

熟者為佳



春洞寫

赤豆逆行者煮利腫脹。アヅキ。

本經曰赤小豆味甘酸平主下水排癰腫膿血云云

藥性論治水腫皮肌脹滿案其生者味腥臭滑故致  
 逆行涌吐又煮則味甘美沈降故能利畜水腫脹  
 瓜蒂散病如桂枝證頭不痛項不強寸脈微浮胸中  
 痞鞭氣上衝咽喉不得息者此為胸有寒也當吐之  
 一本言赤小  
 豆炒者誤也

麻黃連軛赤小豆湯傷寒痰熱在裏身必發黃  
 換品赤小豆有早晚大小數品其粒小而赤黯色者  
 佳所謂豬肝赤是也凡稱秋赤豆者俱可用又夏赤  
 豆ダイナコン赤大豆次之其陳久蛀者不堪用又有黑白異色



○赤小豆夏下種莖高一二尺葉似扁豆葉狹秋開

花亦似扁豆花而黃色。後結莢。每莢貯六七粒。

小麥止乾。又利小便。○コムギ。

別錄曰小麥味甘微寒無毒。主除熱止燥渴咽乾利

小便。案其味甘涼滑降。故止乾燥利小便也。

厚朴麻黃湯欬而脈浮者。甘草小麥大棗湯。婦人臍


燥喜悲傷欲哭。象如神靈所作。數欠伸。

大麥寒潤止燥渴焉。○オホムギ。

別錄曰大麥味甘微寒無毒。主消渴除熱益氣調中。

案小大二麥。經冬春之寒冷而熟。俱味甘滋潤涼降。

故能潤乾燥而利小便。○但充實新者俱可用。  
白朮散方後曰渴者大麥粥服之。





○麥立冬下種。生苗葉細長綠色。至春起莖高二三尺。莖頭出穗。小麥自瘠小而大麥即緩大。夏至熟。

大豆瀉滿解毒補腎。クローマ。

別錄曰生大豆味甘平。逐水脹。除胃中熱痺。傷中淋露。下瘀血。散五臟結積。內寒。殺烏頭毒。

汪詔菴曰甘寒。能補腎。鎮心。利水。下氣。解毒。云云。

烏獸中毒。箭死者。其肉有毒。解之方。

撰品大豆有數十品。入藥者。但用黑大豆。其新者可。

○黑大豆。芒種下種。生芽長一二尺。葉似赤豆。葉而

有毛茸。至秋葉間開花。亦似赤豆花。而淡紫色。後結莢。有褐毛。每莢生豆三五粒。



徽山

大豆黃卷補虛益元。クロマメノモヤシ。

別錄曰大豆黃卷味甘平主五臟胃氣結積益氣止毒潤澤皮毛案此所稟發動之生氣者其味甘溫故能補虛勞不足益元氣

薯蕷丸虛勞諸不足風氣百疾

撰品黃卷用黑大豆下地生芽寸半許即反生形作鉤卷者可也前人謂芽生五寸長便乾之者不可

○大豆黃卷



香豉升散虛煩滿悶。即淡豆豉。カラナツトウ。

別錄曰豉味苦寒無毒主傷寒頭痛寒熱瘴氣惡毒煩躁滿悶虛勞喘吸兩脚疼冷殺諸毒

梔子豉湯發汗吐下後虛煩不得眠若劇者必反覆顛倒心中懊懣○發汗若下之而煩熱胸中窒者

撰品豉有鹽豉淡豉二種入藥者可用淡豉藥舖但呼豆豉其販者製甚粗劣不堪用當家製

外臺秘要造淡豉法用黑大豆二三斗六月內淘淨水浸一宿瀝乾蒸熟取出攤席上候微溫蒿覆每三

日一看候。黃衣上遍。不可大過。取晒簸淨。以水拌乾。溼得所。以汁出指間為準。安甕中。築實桑葉蓋。厚三寸。密封泥於日中。晒七日。取出曝一時。又以水拌入。甕如此七次。再蒸過。攤去火氣。甕收築封。即成矣。

麩消穀漿。開胃快腸。麩同。カウヂ。

別錄曰。麩味甘。大暖。療臟腑中風氣。調中下氣。開胃消宿食。除腸胃中塞。用之當炒令香。案其味甘。性大溫。故能消化飲食。開胃氣。潤腸中。薯蕷丸。虛勞諸不足。風氣百疾。

撰品米麩為良。麥麩亦可用。又神麩即別品。

膠飴溫良。調和五臟。シルアメ。

別錄曰。飴糖味甘。微溫。主補虛乏。止渴去血。

案其味甘美。性大溫。故能消穀。調和脾胃及諸臟。以

解烏頭附子等毒。

建中湯。虛勞裏急。悸衄腹中痛。云云

撰品飴。即如黃明膠狀。而軟者為上品。其堅為硬糖。

次之。凡用糯米造者俱可用。

造法。糯米一升。蒸熟。大麥蘖一合。炒為粗末。和糯米

飯。又合白湯一升。安于釜內。置暖處。半日許。候其飯糜爛。盛布袋。絞取汁。以文火煎煉成。

清酒助陽行百藥方。一名淳酒。コキサケ。

別錄曰。酒味苦甘辛。大熱有毒。主行藥勢。殺百邪惡毒氣。案清酒即對濁酒之名。其味甘辛。性大熱。值寒獨不冰。故有助陽氣。通血脈。行百藥之能。

麻黃淳酒湯治黃疸。鼈甲煎丸。證見于射干下。

白酒溫養脾胃通暢。ウスキサケ。

案白酒味甘辛。性大溫。故養脾胃。和血脈。以致潤暢。

枯萋薤白白酒湯。胸痺之病。喘息欬唾。胸背痛。短氣。

撰品酒有數十品。凡入藥者。須用米酒。其味甘辛美。

色如琥珀者。稱清酒。淳酒。方書稱黃酒。無灰酒。酒肆。

此呼幾左計。隔年者良。又始熟成者。為白酒。俱京都。

產為勝。或味甜有沫者。或辛烈。色不醇者。下品。

苦酒下行殺毒消瘡。即醋。

別錄曰。醋味酸溫無毒。主消癰腫。散水氣。殺邪毒。云。

案其味酸苦。收斂能下降。故其力勝毒氣。消瘡爛。

苦酒湯少陰病。咽中傷生瘡。不能言語。聲不出者。

飲食中毒煩滿治之方

撰品醋有數品入藥者唯用米醋凡味極酸美溫者為上品俗此呼幾須或以糟粕及敗酒造者帶鬱臭或氣味緩者並不堪入藥

醋漿降涼止嘔逆上醋酢通

別錄曰漿水味甘酸微溫無毒主調中引氣開胃止渴消宿食白花者佳煎令醋止嘔案凡酸收之味能下逆氣止嘔氣猶含白梅止注船中フチノエヒ白朮散加減法曰若嘔以醋漿水服之云云

陳嘉謨曰漿醋也炊粟米熱投冷水中浸五六日味


酢生白花色類漿故名若浸至敗者害人

鬼臼通名綱目山荷葉本經一名九臼

本經曰鬼臼味辛溫主殺蠱毒鬼疰逐邪解百毒

紫石寒食散治傷寒令愈不復

撰品鬼臼邦產難得舶來亦無之今藥舖販者此也具留末草根不真此草一莖直上葉五出如車輪故名其根大徑寸許土人截之五六分其乾者皆凹如臼狀生城州丹州等



華明圖

笙洲西山曰鬼臼。生深山陰谷。雪後生苗。一莖一葉。

莖梢當葉心。頗似蓖麻葉。有鋸齒。其經一年者。岐一

莖。生一葉。其上開白花。似野梅花。而六瓣。中有黃蕊。

花後結實。熟黑。內有細子。冬莖枯。則根為一白。猶黃

精。一年生一白。及八九年。則八九白。根肉皮鬚淡黃

色。如射干。其味全苦。

雲實。○ジヤケツイバラ。○カハラフヂ。

本經曰。雲實味辛溫。主洩痢腸癢。止痛除寒熱。

蜀漆散瘡多寒者。

○雲實。木高丈許。枝條多刺針。葉似皂莢。排生。夏開黃花。後結莢。長二寸許。其潤類大皂莢。子極堅。



何好古錄時善

晴野 忠臣

馬鞭草

和名鈔クマツバラ

別錄曰馬鞭草。主下部醫瘡。藥性論味苦有毒。治食鱠不消。方馬鞭草一味。搗汁飲之。



良敬 貞伯

○馬鞭草。春生苗。方莖高二三尺。葉似益母草。而三尖對生。夏每枝頭出穗。開細紫花。穗漸及數寸。

連翹。本經注。連翹根也。一名翹根。

本經曰。翹根味甘平。主下熱氣。益陰精明。目。云云。

麻黃連翹赤小豆湯。傷寒痰熱在裏。身必發黃。

撰品連翹。不出藥鋪。今但用連翹實。功用畧同。

○連翹有木本藤本二種。俱生濕地。高丈餘。枝易延

長。春先開。花色黃若迎春花。後生葉似榆木本者多

結實。形似椿實之未開者。其藤本者難結實。宜採根。



應立圖




藥譜卷之四

韭根 ニラ 音久

別錄曰韭味辛微酸溫無毒歸心安五臟除熱利  
治諸感忤方治食鬱肉中毒方飲生韭汁三升

○韭葉長扁薄淡綠色根類葱白色味辛甘溫葷臭

李田圃



黍穰

○モチキビカラ

治食苦瓠中毒方黍穰煮汁數服之解

風俗通曰燒黍穰可以殺瓠毒云



雲外

藥譜卷之四 黍穰 久用炊單布 新絳 緋帛 三十八

○黍立夏下種。苗葉似粟狀。高二三尺。立秋出穗。

久用炊單布。フルキ。レキヌノ。

治馬墜及一切筋骨損方

案炊單布。即在甑中。常受穀氣者。故能養血生肉。

新絳。アタラシキモミ。

旋覆花湯。婦人半產漏下。

緋帛。アカ子染ノキヌ。

治馬墜及一切筋骨損方

案絳者。本以茜根所染。絹。○緋帛。以茜根染。絲所織。

者也。別錄曰。茜根。味苦寒。止血。內崩下血。膀胱不足。

可以染絳。陳藏器曰。茜根。今染緋者是也。○上古有

茜根。染法。以染絳。緋。中古傳。紅花。染法。以染絹帛。自

此以來。紅花。染。大行。而終失。茜根。染法。矣。今以紅。染

絹。充。絳。緋。最。可。逢。原。曰。絲。本。主。血。加。用。絳。色。以。煨。灰。

又。今。呼。茜。根。染。者。是。用。蘇。木。染。者。非。茜。根。也。

中視。ナレギヌ。禪。同。即。犢。鼻。禪。

燒視散。傷寒。陰陽易之。為病。其人身體重。少氣。少腹

裏急。或引陰中。拘攣。熱上衝。胸頭重。不欲舉。眼中生

花膝脛拘急者釋名曰禪貫也貫兩脚上繫腰中也  
粉。ウルアハノ粉

甘草粉蜜湯方後曰內粉蜜攪令和煎如薄粥云

案千金外臺併引此方而用梁米粉則仲景氏所用

者亦為梁米粉明矣別錄黃梁米味甘主益氣和中

云此取其甘和之味以調和之也方中唯言粉而不

指何者此故為附會者不少矣

白粉。ウルコメノ粉

猪膚湯證見于猪膚下方後曰白粉五分熬香云

案白粉此白米粉也釋名曰粉分也研米使分散又

充鉛粉或胡粉者皆非此即非可熬香者也

溫粉。ウチコ

大青龍湯方後曰汗出多者溫粉粉之云成無已

明理論 朮 藁本 川芎 白芷 右搗羅為細

末每末一兩入米粉三兩和令勻粉撲周身止汗

井花水涼煮諸藥良一名早朝一番二汲ムミツ

別錄曰井華水味甘平主九竅大驚出血以水噴面

案井水平旦真陽之氣浮於水面先汲之曰井花水

宜煮補心除熱之諸藥。又臨時取井水曰新汲水。風引湯除熱癰癩。

撰品井水即因土地而異。凡清潔味甘冷。冬月溫而夏月冽者為良品。京師及城北等者可最用。或帶鐵氣。或帶鹽味。或有濁而不清。或冬不溫。夏不冷者。不堪入藥用。其煮藥者須詳試之。

泉水輕涼。應百合湯。タニノシミツ。

別錄曰泉水味甘平無毒。主消渴反胃熱痢熱淋小便赤澀。案泉水即山下涌出者味甘性輕清冷者宜。

煮補虛之藥。撰品猶井水之說。

百合知母湯。百合滑石代赭湯等皆用之。

甘爛水將煮補脾方。逢原一名百勞水。

逢原曰仲景煎實脾藥作甘爛水揚之萬遍取其流。利不助腎邪也。案取流水勞之則溫和而通利也。

茯苓桂枝甘草大棗湯作甘爛水法取水二斗置大盆內以杓揚之水。上有珠子五六千顆相逐取用之。

東流水行速通膀胱。東ヘナガル、水。

案東流水即自西徂東者。是得東方陽精之氣。性速。

趨宜煮通利之藥。又長流水。急流水。其功用畧同。

澤漆湯方中曰。澤漆三斤。以東流水五斗煮云

漿水熟湯最宜補養。即白湯。火ニアカシタルサユ。

逢原曰。以水空煎。候熟極。煮藥名清漿水。取其下趨

不至上涌也。

赤小豆當歸散方後曰。為散漿水服方寸匕。云

泔水。即米泔水。シロミヅ。

案泔水即浙粳米第二次者佳。味甘冷。除煩熱。止渴。

解牛肉毒方。以泔洗頭。飲一升。愈。

地漿。一名黄土漿。ニゴリ水。

別錄曰。地漿寒。主解中毒。煩悶。陶弘景曰。掘黃土地。

作坎。以新汲水沃入。攪澄者是也。

治誤食蜀椒閉口者。中毒方。治食諸菌中毒方。

潦水。ニハタミヅ。

案潦水。雨降在于坳地者。是也。能洩溼熱。利小便。

麻黃連軹赤小豆湯。證見于赤小豆下。方後曰。以潦水一斗。

先煮麻黃。云

藥品考卷之四終

